

Бекітемін
«Жетісу облысының білім басқармасы» ММ
«Әдістемелік орталығы» КММ директоры
Г.Мухметова

2025 жыл

**«Жаңа мектепке – жаңашыл ұстаз» жас педагогтердің
VII Республикалық байқауының облыстық кезеңін өткізу
ЕРЕЖЕСІ**

1. Жалпы ереже

1.1 Жас педагогтердің әлеуметтік мәртебесін және шығармашылық потенциалын арттыру, инновациялық белсенділіктерін дамыту, әрі қарай кәсіби шеберліктерін жетілдіруіне жағдай жасау, оларды Қазақстан Республикасының білім мекемелерінде бекіту мақсатында «Жаңа мектепке-жаңашыл ұстаз» жас педагогтердің VII Республикалық байқауының облыстық кезеңі өткізіледі.

1.2 Байқаудың міндеттері:

- талантты жас педагогтерді анықтау;
- педагог еңбегінің дәрежесін көтеру;
- жас педагогтердің инновациялық идеяларды және түрлерді іздеу ісін жетілдіру;
- жас педагогтерді дәстүрлі мәдени-білім ортасына тарту;
- педагогикалық қауымға жас педагогтердің жетістіктерін тарату.

1.3 Байқаудың қатысушылары барлық типтегі білім мекемелерінің байқауға қатысуға өтініш берген барлық педагог қызметкерлері:

- жоғары және кәсіби орта білімді;
- білім мекемесінде үш жылға дейін педагогикалық еңбек өтілі бар жас педагогтер қатыса алады.

2. Байқау шарттары

2.1 Байқау 2025 жылдың 20 қаңтарынан бастап 18 сәуір аралығында үш кезеңде өткізіледі.

I кезең – Аудандық: 2025 жылдың 20 қаңтарынан 20 ақпанына дейін өткізіледі;

II кезең – Облыстық: 2025 жылдың 12 наурызында өткізіледі;

III кезең – Республикалық: 2025 жылдың 14 мен 18 сәуір аралығында өткізіледі.

2.2 III кезеңге қатысушыларды таңдауды облыстық білім басқармалары анықтайды

2.3 Республикалық байқаудың облыстық кезеңіне қатысу үшін ұйымдастыру комитетіне төмендегі материалдар жіберіледі:

-байқауға қатысуға үміткерлерді ұсыну туралы байқаудың аудандық, қалалық кезеңіндегі ұйымдастыру комитеті отырысы хаттамасының көшірмесі;

-байқаудың облыстық кезеңіне қатысушылардың үлгі бойынша өтініштері (*I қосымша*).

Материалдарды (құжаттарды) 2025 жылдың 10 наурызына дейін jetisu.metod@mail.ru кешіктірмей жіберу талап етіледі.

Қосымша сұрақтар бойынша байланыс телефоны: 87714534093 Жанабекова Талшын Даулетқызы

2.4 байқауды ұйымдастыруға және өткізуге ұйымдастыру комитеті, байқаудың қазылар алқасы құрылады, құрамы мен жұмыс тәртібі әдістемелік орталығының бұйрығымен бекітіледі.

2.5 Ұйымдастыру комитетіне мына жұмыстар жүктеледі:

- байқаудың ұйымдастыру сұрақтары;

- өтініштерді және ұсынылған материалдарды қабылдау;
- өткізу уақыты, тәртібі және байқаудың қорытындысы жөнінде ақпарат дайындау;
- байқау жеңімпаздарын анықтаудың критерийлерін бекіту.

3. Байқауды өткізу талабы

Бірінші тапсырма – «Жаңа мектепке –жаңашыл ұстаз» тақырыбында эссе жазу (өмірлік ұстаным, кәсіби-жеке тұлғалық позиция, жетекші педагогикалық идеялар). Эссе көлемі – А4 форматында 1-1,5 бет, 14-қаріп, 1.0 интервал (баспа және электрондық түрде).

Екінші тапсырма – «Шығармашылық жолдың бастамасы» тақырыбында өзін-өзі таныстыру (фотопрезентация, бейнепрезентация, аудиожазба, көркемсөз т.б. шығармашылық жолдар арқылы көрсетілуі мүмкін). Яғни байқауға қатысушы өзін таныстырып, мамандығына деген көзқарасын ұсынады. (презентация уақыты 5 минут).

Бағалау критерийлері:

- байқау қатысушысының кәсібилігі мен жаңаша идеяларының ұсынылуы;
- байқау қатысушысының коммуникативті белгілері;
- байқау қатысушысының ақпараттық-коммуникативті технологияны меңгеруі.

Үшінші тапсырма – «Сабақ». Байқау қатысушылары алдын ала дайындаған сабағын қорғайды (презентация, бейнежазба түрінде). Сабақтың тақырыбын күнтізбелік-тақырыптық жоспарға сәйкес (*үшінші тоқсанда өтетін тақырыптарды қазақ, орыс және ағылшын тілдерінде*) қатысушы өзі анықтайды. Сабақты қорғау уақыты – 15 минутқа дейін.

Бағалау критерийлері:

Мақсаттар мен сабақтың құрылымы:

- сабақ мақсаттары оқу бағдарламасынан алынған оқу мақсаттарына сәйкес келеді және нақты оқу нәтижелерін көрсетеді;
- сабақтың құрылымы оқу мақсаттарына қол жеткізуге сәйкес жасалған, бірізді және логикалық реттілікпен құрылған;
- жоспарланған уақыт білім алушыларға түсінік пен дағдыларды меңгеруге және мұғалімнің білім алушылардың оқу нәтижелерін бағалауыға тиімді жоспарланған.

Оқыту әдістері:

- оқу мазмұнын түсінуге және академиялық және функционалдық дағдыларды дамытуға көмектескенінің дәлелдемелері ұсынылды;
- оқу ресурстары мен цифрлық платформалар арқылы оқушыларды тәжірибелік оқуға тартқанының дәлелдемелері жеткілікті ұсынылды;
- оқушылардың жеке және ерекше қажеттіліктеріне сәйкес оқуын қолдау арқылы сабақ мақсатына қол жеткізуге көмектескені түсіндірілді;
- формативті бағалау әдістері арқылы оқушыларға қиындықтарын жеңуге көмектескенінің дәлелдемелерін ұсынды;

Тапсырмалар:

- тапсырмалар сабақ мақсаттарына сәйкес әзірленген;
- функционалдық сауаттылық дағдыларын дамытуға ықпал еткенінің дәлелдері ұсынылды;
- тапсырмалар білім алушылардың жеке немесе ерекше білім беру қажеттіліктері ескере отырып құрылған;

Оқыту дағдылары:

- сұрақ қою және бақылау арқылы барлық оқушылардың түсінгенін тексере алады;
 - оқушыларға қажеттілігіне қарай нақты нұсқаулық береді және түсінгендерін бақылай алады;
 - оқушылардың назарын аударады және өзін тыңдата алады;
 - сыныптағы тәртіп пен мінез-құлықты тиімді басқара алады.
- Байқау нәтижесі әр тапсырма бойынша 10 ұпаймен бағаланады.

4. Байқаудың қортыныдысын шығару, жеңімпаздарды марапаттау

4.1 байқаудың әрбір қатысушысына сертификат беріледі.

4.2 байқау жеңімпаздары I,II,III дәрежелі диплом және грамоталарымен марапатталады.